

28. **Շիրազը** քաղաք է Իրանի հարավ-արևմուտքում, Ֆարսիստանի վարչական կենտրոնն է: Հռչակավոր է իր վարդերով:

29. **Քերման** կամ Քիրման Իրանի հարավ-արևելյան քաղաքներից է:

30. **Ջալալի** բառը ապստամբ է նշանակում: Առաջացել է Թոխաթ (Եվդոկիա) քաղաքի ապստամբության առաջնորդ Ջելալի անունից: Դրանից հետո Օսմանյան կայսրության դեմ ապստամբները կոչվում էին ջելալի:

31. **Չըլդրի դաշտը** Չըլդր լճի մոտ է, իսկ լիճը Հայկական լեռնաշխարհի հյուսիս-արևելքում է, Արդահանի շրջանում:

32. **Ենիչերին** հատուկ զորամասի զինվոր էր: Այս զորամասերը պատրաստում էին թուրքերը քրիստոնյա գերիներից, իսկ ավելի ուշ հավաքում էին քրիստոնյա երեխաներ և նրանցից պատրաստում էին քրիստոնեապան զորք: Այս զորքը աչքի էր ընկնում ծայրահեղ անգթությամբ: Ենիչերիությունը սկսվեց 14-րդ դարում և հետագայում պատիժ դարձավ Օսմանյան կայսրության համար: 1826 թվին Մահմադ սուլթան 2-րդը վերացրեց:

33. **Խնուսը** Բարձր Հայքի քաղաքներից է Կարինի վիլայեթում: 1915 թվին ուներ 2163 հայ բնակիչ:

34. **Բասենը** գավառ է Մեծ Հայքի Այրարատ նահանգում: Գտնվում է Արաքսի վերին հոսանքի վայրում: Հյուսիս-արևմտյան սահմանները հասնում են մինչև Վանանդ, մի ժամանակ Կարսը ևս պատկանել է Բասենին:

35. **Կարինը** (Էրզրումը) Մեծ Հայքի Բարձր Հայք նահանգի կենտրոնական քաղաքն է Արաքս և Եփրատ գետերի ակունքների մոտ:

36. **Դերջանը** Մեծ Հայքի Բարձր Հայք նահանգի շրջաններից մեկն է, որի կենտրոնը Մամախաթունն է:

37. **Կեդին** կամ Քդին Բարձր Հայքի գավառներից է և գավառի կենտրոնն է: Քդիի 3500 բնակիչներից 2500-ը հայեր էին:

38. **Բաքերդը** Մեծ Հայքի Բարձր Հայք նահանգի Սպեր գավառում Ճոթիսի ձախ ավին է: Ուներ 10 հազար հայ բնակչություն:

39. **Սպերը** բերդաքաղաք է Մեծ Հայքի Բարձր Հայք նահանգում: Սպեր նույնանուն գավառի կենտրոնն է:

40. **Իկոնիոնը** (Կոնիա, Իկոնիա) Փոքր Ասիայի քաղաքներից է:

41. **Ծարեցի Հովհան** վարդապետը 16-րդ դարում գրել է Կադանկատ-վացու երկի համար իբրև լրացում Աղվանքի համառոտ պատմությունը:

42. **Դամուղդափը** Դերբենդի լեռնանցքն է:

43. **Խուդաֆրինը** կամուրջ էր Արաքսի վրա Հայաստանի ու Պարսկաստանի միջև Աղավմագետի խառնուրդի մոտ:

44. **Օզբեկները** ուզբեկներն են: Պահլավունի են կոչվում, որովհետև Բահլից են եկել գրավել Աֆղանստանի Հերաթը:

45. **Իզդիրան** կամ Դազվինը Իրանի քաղաքներից է, գտնվում է իրանի հյուսիս-արևելքում:

46. Տես՝ ծանոթ. 28:

47. **Արծկեն** Մեծ Հայքի Տուրուբերան նահանգի Բզնունի գավառի քաղաքներից է Վանա լճի հյուսիսային ափին:

48. **Արծնի** կամ **Արզնի** գյուղ է Կոտայքի շրջանում: Արովյան քաղաքից 7 կմ հեռավորությամբ:

49. **Գիշանը, Ղանդահարը, Հուրմուզը, Հրեն** կամ **Հերաթը** Աֆղանստանի քաղաքներ են:

50. **Եղեգնաձորը** հնում ընդգրկում էր Եղեգնաձորի և Վայքի շրջանները և մտնում էր Սյունյաց նահանգի մեջ:

51. **Գեղամը** Գեղարքունիքն է, որ տարածվում է Սևանի հարավային ափերին:

52. **Լոռին** Մեծ Հայքի Գուգարք նահանգի շրջաններից է: Անունը ստացել է Ստեփանավան քաղաքի մոտ գտնվող Լոռե քաղաքից, որ այժմ ավերակ է: Կառուցվել է 11-րդ դարում:

53. **Համգաչիման** - գյուղ Գուգարքի շրջանում, այժմ՝ Մարգահովիտ:

54. **Նիզը** Ապարանն է, որ արևմուտքում սահմանակից է Շիրակին, հարավ-արևելքում՝ Աշտարակին:

55. **Շարաքխանան** Ալիշանը տեղադրում է Նիզ գավառի արևմուտքում Շիրակին սահմանակից, որ կոչվել է Շիրաղալա:

56. **Ջարիշատը** Մեծ Հայքի Տուրուբերան նահանգի Աղիովիտ գավառի քաղաքներից է: Պարսիկները կործանեցին, բայց նորից վերակառուցվեց:

57. **Կադզվանը** Կարսից հարավ՝ Արաքսի աջ ափին է, շրջապատված է ծառաստաններով:

58. **Ալաշկերտը** Մեծ Հայքի Արարատյան նահանգի Բագրևանդ գավառում է: Վաղարշակետ բերդաքաղաքի թրքական աղավաղյալ ձևն է:

59. **Մակուն** Պարսկահայքի քաղաքներից է՝ Մասիսից հարավ-արևելք:

60. **Աղբակը** Մեծ Հայքի Վասպուրական նահանգի գավառներից է:

61. **Սալմաստը** Պարսկահայքի գավառներից է, որի Փայաջուկ գյուղում ծնվել է Բաֆֆին:

62. **Խոյը** Պարսկահայքի քաղաքներից է:

63. **Ուրմիան** եղել է Մեծ Հայքի Պարսկահայք նահանգի Թրաքի գավառի կենտրոնը: Հայաստանի՝ 387 թվականի բաժանումից հետո անցել է Պարսկաստանին: Ուրմիա լճից արևմուտք քաղաք է մոտ 2 հարյուր հազար բնակչով:

64. **Ծաղկնուձորը** կամ Ծաղկոցաձորը ըստ Ալիշանի՝ հյուսիսից սահմանագծվում է Տաշիրի լեռներով, արևմուտքից ու հարավից Նիզ (Ապարան) գավառով, հարավից ու արևելքից՝ Կոտայքով ու Սևանով: Կենտրոնը Ծաղկաձորն է եղել, որ հռչակավոր ամառանոց է: